

## **GARIS PANDUAN FASA ENDEMIK PERINGKAT AWAL BAGI PERKUMPULAN AGAMA LAIN (KUIL, GEREJA)**

Dokumen ini menyediakan langkah-langkah bagi perkumpulan agama lain yang dibenarkan semasa Fasa Awal Endemik dalam Rangka Kerja Pemulihan COVID-19 Kebangsaan.

### **Langkah-langkah Kawalan COVID-19 pada Fasa Endemik**

- **Penggunaan Aplikasi *BruHealth*:**
  - Semua premis mesti mendaftar untuk mendapatkan Kod QR *BruHealth*.
  - Pemilik premis hendaklah memastikan semua individu yang memasuki premis telah mengimbas Aplikasi *BruHealth* sebaik sahaja memasuki premis berkenaan (termasuk semua pekerja / kakitangan / sukarelawan).
  - Pemilik premis memastikan hanya individu yang mempunyai Kod *BruHealth* Hijau dan Kuning dibenarkan masuk.
- **Vaksin Lengkap:**
  - Pemilik premis hendaklah memastikan semua pekerja / kakitangan / sukarelawan yang layak diberi vaksin (tiada kontraindikasi perubatan) telah divaksin sepenuhnya.
- **Pemakaian Sungkup Muka:**
  - Semua individu yang berumur 2 tahun atau lebih, hendaklah memakai penutup hidung dan mulut anda di tempat awam tertutup, di dalam pengangkutan awam, dalam persekitaran luar yang sesak, dan untuk aktiviti dengan hubungan rapat dengan orang lain yang tidak diberi vaksin penuh;
  - Sungkup muka boleh ditanggalkan apabila:
    - Berada di dalam bilik hotel atau penginapan dengan ahli isi rumah;
    - Berada di dalam ruang kerja individu tertutup;
    - Melakukan aktiviti lasak semasa bersukan dan aktiviti rekreasi;
    - Berada di dalam kenderaan sendiri dan melibatkan ahli isi rumah;
    - Berada di satu kawasan atau tempat awam (luar dan dalam) tanpa mana-mana individu lain; dan
    - Makan dan minum di tempat awam tanpa ada individu lain (selain di restoran atau premis makanan).
- **Kebersihan tangan dan etika batuk dan bersin:**
  - Jika individu berada di tempat awam, atau selepas menghembus hidung, batuk, atau bersin, mereka dinasihatkan untuk kerap mencuci tangan dengan sabun dan air, tetapi jika tidak ada tersedia, gunakan pembersih tangan yang mengandungi sekurang-kurangnya 60% alkohol. Tutup semua permukaan tangan anda dan gosokannya sehingga kering.

- **Penjarakan Sosial:**
  - Langkah-langkah menjauhkan fizikal yang telah ditetapkan: sekurang-kurangnya 1.5 meter antara individu jika boleh.
- **Pengudaraan Premis:**
  - Pemilik premis (*indoor*) memastikan premis mempunyai pengudaraan yang mencukupi.
- **Pemantauan Kesihatan Diri dan Ujian ART:**
  - Individu dinasihatkan untuk memantau kesihatan setiap hari untuk simptom.
  - Individu yang diberi vaksin disyorkan untuk menjalani ujian ART sebagai rutin setiap 2 minggu sekali. Dan ujian hendaklah dijalankan di rumah kediaman masing-masing sebelum memasuki atau menghadiri perhimpunan di premis berkenaan.

### **Individu yang divaksin sepenuhnya**

Seseorang individu dianggap telah diberi vaksin penuh jika dia telah menerima rejimen vaksin yang di dalam Senarai Penggunaan Kecemasan WHO (WHO EUL) atau vaksin yang diluluskan BDMCA. Status vaksinasi dalam buku BruHealth, Sijil Vaksinasi Antarabangsa atau Buku Profilaksis (Buku Kuning) individu atau rekod vaksinasi lain yang boleh diterima boleh ditunjukkan kepada pengurusan premis atau penganjur acara sebagai bukti vaksinasi.

### **Bukti Ujian ART yang negatif**

Keputusan negatif bagi ujian ART hendaklah dipamerkan sebagai bukti sebelum memasuki premis-premis berkenaan samada oleh individu yang tidak divaksin atau belum bervaksin secara penuh. Bukti ini mestilah dalam bentuk ART yang dijalankan dibawah perhatian pihak berkuasa di Kementerian Kesihatan atau pemilik premis berkenaan atau boleh juga dalam bentuk sijil yang dikeluarkan oleh tapak ART Terselia yang berdaftar dengan Kementerian Kesihatan. Sijil ini akan dikeluarkan dengan tempoh sah luput dalam sehari. Kanak-kanak dibawah umur 12 tahun, apabila bersama dengan orang dewasa yang mempunyai vaksin penuh akan diberikan pengecualian yang sama seperti mana yang dikenakan kepada individu-individu yang mempunyai vaksin secara penuh semasa fasa endemik sahaja.

## **Langkah-langkah untuk Perhimpunan Keagamaan Lain (Kuil, Gereja dan lain-lain)**

### **Sekatan Kapasiti**

- Tempat ibadat dibenarkan beroperasi pada kadar 75% dari kapasiti penuh premis/tempat berkenaan semasa perkumpulan dan perkhidmatan ibadat lain.
- Aktiviti ibadat berkumpulan seperti kelas keagamaan dan perkhidmatan pastoral dibenarkan pada kadar 50% dari kapasiti penuh premis atau bilik kuliah.

### **Protokol aktiviti keagamaan bagi agama lain**

- Perkumpulan dan aktiviti keagamaan bersemuka bagi agama lain adalah dibenarkan.
- Semua individu yang berumur 12 keatas dibenarkan untuk hadir. Walau bagaimanapun, individu yang tidak bervaksin penuh mestilah menunjukkan bukti keputusan ART negatif.
- Kanak-kanak dibawah 12 tahun tidak dibenarkan untuk hadir semasa perkumpulan dan perkhidmatan ibadat yang lain.
- Tempat ibadat hendaklah hanya mengerahkan pekerja dan sukarelawan yang bervaksin penuh untuk perkhidmatan ibadah.
- Penggunaan Aplikasi BruHealth dimestikan.
- Durasi bagi perkhidmatan ibadat hendaklah tidak lama. Interaksi antara Jemaah sebelum, atau selepas setiap perkhidmatan hendaklah minima.
- Semua yang hadir hendaklah memakai sungkup muka pada setiap masa. Pelindung muka tidak dibenarkan sebagai ganti kepada sungkup muka.
- Jemaah yang membuat persembahan nyanyian dengan memakai sungkup muka adalah dibenarkan.
- Persembahan muzik dengan peralatan muzik semasa perkhidmatan ibadat adalah dibenarkan kecuali penggunaan peralatan yang ditutup.
- Tidak dibenarkan berkongsi peralatan ibadat (contoh: kitab, bakul persembahan) kerana ini akan meningkatkan risiko jangkitan COVID19. Para jemaah hendaklah membawa bersama barang-barang keperluan peribadi untuk melakukan ibadah, jika perlu.
- Bagi tempat ibadat yang mempunyai peredaran udara yang kurang (seperti ruang tertutup, dewan berhawa dingin) hendaklah, jika boleh, membuka pintu dan tingkap bagi membolehkan pengudaraan berlaku secara semula jadi selepas setiap penggunaan.
- Kakitangan/Pekerja digalakkan untuk menjalankan ujian ART sekali setiap 2 minggu.

## **Sanitasi dan Kebersihan**

- Tempat ibadat hendaklah melantik kakitangan untuk melaksanakan pembersihan dan pengemasan yang lebih kerap setiap hari. Gunakan cecair disinfeksi secara kerap kepada kawasan yang kerap disentuh seperti pegangan tangan, permukaan lif dan butang, tombol/pemegang pintu, peti surat, papan kenyataan, paparan digital, panel skrin sentuh serta meja dan kerusi di kawasan umum.
- Sediakan cecair disinfeksi tangan di tempat orang kerap berlalu lintas.
- Pastikan tong sampah ditutup pada setiap masa dan dibersihkan setiap hari. Ikat beg plastik sampah dengan betul sebelum dibuang ke pusat tong.
- Bersihkan segera sebarang tumpahan sampah.
- Basuh dan nyah kuman semua tong sampah, ruang tong dan pusat tong sampah jika perlu.
- Libatkan kontraktor pembuangan sampah berlesen untuk pembuangan sampah setiap hari.
- Untuk mendisinfeksi kawasan, kakitangan kebersihan diharapkan untuk:
  - Merendam kain pembersih dalam peluntur isi rumah pada kepekatan yang betul mengikut arahan pembekal dan basuh kain selepas digunakan atau sebelum digunakan semula.
  - Membersihkan dan mendisinfek semua peralatan pembersihan serta-merta selepas digunakan.